

摛藻堂四庫全書薈要

集部

欽定四庫全書叢要卷一萬七千八百五十四

集部

御定全唐詩卷四百四十九

白居易

太和戊申歲大有年詔賜百寮出城觀稼謹書
盛事以俟采詩

清晨承詔命豐歲閑田間膏雨抽苗足涼風吐穗初早
禾黃錯落晚稻綠扶疎好入詩家詠宜令史館書散為
萬姓食堆作九年儲莫道如雲稼今秋雲不如

贈悼懷太子挽歌辭二首

奉詔
撰進

竹馬書薨歲銅龍表葬時永言窀穸事全用少陽儀壽
夭由天命哀榮出聖慈恭聞褒贈詔軫念在與夷

剪葉藩封早承華冊命尊笙歌辭洛苑風雪蔽梁園
薄凌霜宿銘旌向月翻宮寮不逮事哭送出都門

雨中招張司業宿

過夏衣香潤迎秋簟色鮮斜支花石枕卧詠藥珠篇泥
濱非遊日陰沈好睡天能來同宿否聽雨對牀眠

和集賢劉學士早朝作

吟君昨日早朝詩
金御爐前喚仗時
煙吐白龍頭宛轉
扇開青雉尾參差
暫留春書一作 殷多稱屈合入綸闈
即

可知從此摩霄去
非晚鬢邊一作間 未有一莖絲

送陝州王司馬建赴任

建善詩者

陝州司馬去何如
養靜一作病 資貧兩有餘
公事閒忙同

少尹料錢多少敵尚書
紙攜羨酒為行伴唯一作獨 作新

詩趁下車自有一作
得 鐵牛無詠者
料君投刃必應虛

對琴待月

竹院新晴夜松窗未卧時共琴為老伴與月有秋期玉
軫臨風久金波出霧遲幽音待清景唯是我心知

楊家南亭

小亭門向月斜開滿地涼風滿地苔此一作北院好彈秋

思處終須一夜抱琴來

早寒

黃葉聚牆角青苔圍柱根被經霜後薄鏡遇雨來眉半

卷寒簷幕斜開暖閣門迎冬兼送老只仰酒盈尊

齋月靜居

病來心靜一無思老去身閒百不為忽忽眼塵猶愛睡
些些口業尚誇詩草腥每斷齋居月香火常親宴坐時
萬慮消停百神泰唯應寂寞殺三尸

宿裴相公興化池亭

兼蒙借船

船遊汎

林亭一出宿風塵忘却平津是要津松閣晴看山色近
石渠秋放水聲新孫弘閣闌無閒客傳說舟忙不借人

何似揜才濟川外別開池館待交親

和劉郎中望終南山秋雪

遍覽古今集都無秋雪詩陽春先唱後陰嶺未消時草
訝霜凝重松疑鶴散遲清光莫獨占亦一作還對白雲司

廣府胡尚書頻寄詩因答絕句

尚書清白臨南海雖飲貪泉心不回唯向詩中得珠玉
時時寄到帝鄉來

送鶴與裴相臨別贈詩

司空愛爾爾須知不信聽吟送

一作乞

鶴詩羽翮勢高寧

惜別稻梁恩厚

一作重

莫愁飢夜棲少

一作莫

共雞爭樹曉

一作日浴先饒鳳占池穩上青雲勿回顧的應勝在白家

時

令狐相公拜尚書後有喜從

一作罷

鎮歸朝之作

劉郎中先和因以繼之

車騎新從梁苑回履聲珮響入中臺鳳池望在終重去
龍節功成且納來金勒最宜乘雪出玉觴何必待花開

尚書首唱郎中和不計官資只計才

送河南尹馮學士赴任

石渠金谷中間路軒騎翩翩十日程清洛飲冰添苦節
碧嵩看雪助高情謾誇河北操旄鉞莫羨江西一作南擁

旆旌時新除二
鎮節度何似府寮京令外別教三十六峯迎

讀鄂公傳

高卧深居不見人功名斗藪似灰塵唯留一部清商樂
月下風前伴老身

烏夜啼一有賦

得字

城上歸時晚庭前宿處危月明無葉樹霜滑有風枝啼
澀飢喉咽飛低凍翅垂畫堂鸚鵡鳥冷暖不相知

鏡換桺

欲將珠

一作朱

匣青銅鏡換取金尊白玉卮鏡裏老來無

避處尊前愁至有消時茶能散悶為功淺萱縱忘憂得

力遲不似

一作是

杜康神用速十分一盞便開眉

冬夜聞蟲

蟲聲冬思苦於秋不解愁人聞亦愁我是老翁聽不畏

少年莫聽白君頭

雙鸚鵡

綠衣整頓雙棲起紅觜分明對語時始覺琵琶弦莽鹵
方知吉了舌參差鄭牛識字吾常嘆詬云鄭玄家牛丁觸牆成八字

鶴能歌爾亦知若稱白家鸚鵡鳥籠中兼合解吟詩

贈朱道士

儀容白皙上仙郎方寸清虛內道場兩翼化生因服藥

三尸卧

一作餓

死為休糧醮壇北向宵占斗寢室東開早

納陽盡日窗間更無事唯燒一炷降真香

昨以拙詩十首寄西川杜相公相公亦以新作
十首惠然報示首數雖等工拙不倫重以一章

用仲答謝

詩家律手在成都權與尋常將相殊剪截五言兼用鉞
陶鈞六義別開爐驚人卷軸須知有隨事文章不道無
篇數雖同光價異十魚目換十驪珠

和汴州令狐相公新於郡內栽竹百竿拆壁開
軒旦夕對翫偶題七言五韻

梁園修竹舊傳名園廢年深竹不生千畝荒涼尋一作裁

未得百竿青翠種新成牆開乍見重添興窗靜時聞別
有情煙葉蒙籠侵夜色風枝蕭颯欲秋聲更登樓望尤
堪重千萬人家無一莖

汴州人家
並無竹

重答汝州李六使君見和憶吳中舊遊五首

為憶娃宮與虎丘覩君新作不能休蜀牋寫出篇篇好

吳調吟時句句愁洛下林園終共住江南風月會重遊

先與李六有此二句之約由來事過多堪惜何況蘇州勝汝州

李前刺蘇

州故有是句

見殷堯藩侍御憶江南詩三十首詩中多叙蘇杭勝事余嘗典二郡因繼和之

江南名郡數蘇杭寫在一作殷家三十章君是旅人猶

題寫

苦憶我為刺史更難忘境牽吟詠真詩國興入笙歌好

醉鄉為念舊遊終一去扁舟直擬到滄浪

聞新蟬贈劉二十八

蟬發一聲時槐花帶兩枝只應催我老兼遣報君知白
髮生頭速青雲入手遲無過一桮酒相勸數開眉

贈王山人

玉芝觀裏王居士服氣餐霞善養身夜後不聞龜喘息
秋來唯長鶴精神容顏盡怪長如故名姓多疑不是真
貴重榮華輕壽命知君悶見世間人

和劉郎中學士題集賢閣

朱閣青山高庫齊與君才子作詩題傍聞大內笙歌近
下視諸司屋舍低萬卷圖書天祿上一條風景月華西
欲知丞相優賢意百步新廊不蹋泥

觀幻

有起皆因滅無睽不暫同從歡終作感轉苦又成空次

第花生眼須臾燭一作符過風更無尋覓處鳥跡印空中

病假中龐少尹攜魚酒相遇

宦情牢落年將暮病假聯絲日漸深被老相催雖白首

與春無分未甘心閒停茶碗從容語醉把花枝取次吟
勞動故人龐閣老提魚擣酒遠相尋

聽田順兒歌

戛玉敲冰聲未停嫌雲不遏入青冥爭得黃金滿衫袖
一時拋與斷年聽

聽曹剛琵琶兼示重蓮

撥撥弦弦意不同胡啼番語兩玲瓏誰能截得曹剛手
插向重蓮衣袖中

酬令狐相公春日尋花見寄六韻

病臥帝王州
花時不得遊
老應隨日至
春肯為人留
粉壞杏將謝
火繩桃尚稠
白飄僧院地
紅落酒家樓
空裏雪相似
晚來風不休
吟君悵望句
如到曲江頭

和劉郎中曲江春望見示

芳景多遊客
衰翁獨在家
肺傷妨飲酒
眼痛忌看花
寺路隨江曲
官一作宮宮牆夾道斜
羨君猶壯健
不枉度年華

送東都留守令狐尚書赴任

翠華黃屋未東巡碧落青嵩付大臣地稱高情多水竹
山宜閒望少風塵龍門即擬為遊客金谷先憑作主人
歌酒家家花處處莫空管領上陽春

自題新昌居止因招楊郎中小飲

地偏坊遠巷仍斜最近東頭是白家宿雨長齊鄰舍柳
晴光照出夾城花春風小檮三升酒寒食深爐一椀茶
能到南園同醉否笙歌隨分有些些

南園試小樂

小園班駿花初發新樂錚從教欲成紅萼紫房皆手植
蒼頭碧玉盡家生高調管色吹銀字慢拽歌詞唱渭城
不飲一桮聽一曲將何安慰老心情

和微之春日投簡陽明洞天五十韻

青陽行已半白日坐將徂越國強仍大稽城高且孤利

饒鹽煮海名勝水澄湖牛斗天垂象台明地展圖

天台四明

二山瓊奇填市井佳麗溢闔閭向踐遺風霸西施舊俗殊

船頭龍天矯橋腳獸睢盱味珍蟛蜞一作彭越時鮮貴鷓鴣

鴟語言諸夏異衣服一方殊擣練蛾眉婢鳴榔蛙角奴
江清敵伊洛山翠勝荆巫華表雙棲鶴聯檣幾點烏煙
波分渡口雲樹接城隅澗遠松如畫洲平水似鋪綠綸
秧早稻紫筍折新蘆暖蹋泥中藕香尋石上蒲雨來萌
盡達雷後蟄全蘇柳眼黃絲類花房絳蠅珠林風新竹
折野燒老桑枯帶蟬長枝蕙錢穿短貫榆煊和生野菜
卑濕長街蕪女浣紗相伴兒烹鯉一呼山魈啼稚子林
狹挂山都產業論蠶蟻孳生計鴨雛泉岩雪飄灑苔壁

錦漫湖堰限舟航路堤通車馬途耶溪岸回合禹廟徑
盤紆洞穴何因鑿星槎誰與剗石凹仙藥臼峯峭佛香
爐去為投金簡來因挈玉壺貴仍招客宿健未要人扶
聞望賢丞相儀形羨丈夫前驅駐旌旆偏坐列笙竽刺
史旗翻隼尚書履曳鳬學禪超後有觀妙造虛無髻裏
傳僧寶環中得道樞登樓詩八詠置硯賦三都揮擁羅
將綺趨蹠紫與朱廟謨藏稷高兵畧貯孫吳令下三軍
整風高四海趨千家得慈母六郡事嚴姑重士過三哺

輕財抵一銖送觥歌宛轉嘲妓笑盧胡佐飲時炮鼈羶

醒數鯸鱸醉鄉雖咫尺樂事亦須臾若不中賢聖何由

外智愚伊予一生志我爾百年軀江上三千里城中十

二衢出多無伴侶歸只對妻孥白首青山約抽身去得

無

酬鄭侍御多雨春空過詩三十韻

次用本韻

南雨來多滯東風動即狂月行離畢急龍走召雲忙鬼
轉雷車響蛇騰電策光浸淫天似漏沮洳地成瘡慘淡

陰煙白空濛宿霧黃間遮千里目悶結九回腸寂寞羈
臣館深沈思婦房鏡昏鸞滅影衣潤麝消香蘭濕難紉
珮花凋易落妝沾黃鶯翅重滋綠草心長紫陌皆泥漣
黃汚共綠茫恐霖成怪沴望霽劇禎祥楚柳腰肢蟬湘
筠涕淚滂晝昏疑是夜陰盛勝於陽居士巾皆墊行人
蓋盡張跳蛙還屢出移蟻欲深藏端坐交遊廢閒行去
步妨愁生垂白叟惱殺蹋青娘變海常須慮為魚慎勿
忘此時方共懼何處可相將

此以下叙已望東溟禱仍浙東政事

封北戶禳却思逢旱魃誰喜見商羊預怕為蠶病先憂
作麥傷患應施浹洽政豈假渝揚祀典修咸秩農書振
滿牀丹誠期懇苦白日會昭彰賑廩廩飢戶占城備壞
牆且當營歲事寧暇惜年芳德勝令災弭人安在吏良
尚書心若此不枉繫金章

和春深二十首

何處春深好春深富貴家馬為中路鳥妓作後庭花羅
綺驅論隊金銀用斷一作短車眼前何所苦唯苦日西斜

何處春深好春深貧賤家荒涼三徑草冷落四鄰花奴
困歸傭力妻愁出借車途窮平路險舉足劇褒斜

何處春深好春深執政家鳳池添硯水雞樹落衣花詔
借當衢宅恩容上殿車延英開對久門與日西斜

何處春深好春深方鎮家通犀排帶跨瑞鶴一作鶴勘袍

勘袍

花飛絮衝毬馬垂楊拂妓車戎裝拜春設左握寶刀斜

何處春深好春深刺史家陰絲棠布葉岐秀麥分花五

疋鳴珂馬雙輪畫軾一作車和風引行樂葉葉隼旗斜

何處春深好春深學士家鳳書裁五色馬鬢剪三花蠟炬開明火銀臺賜物車相逢不敢揖彼此帽低斜

何處春深好春深女學家慣看溫室樹飽識浴堂花御印提隨仗香牋把下車宋家宮樣髻一片綠雲斜

何處春深好春深御史家絮縈驄馬尾蝶繞繡衣花破柱行持斧埋輪立駐車入班遙認得魚貫一行斜

何處春深好春深遷客家一枯寒食酒萬里故園花炎瘴蒸如火光陰走似車為憂鵬鳥至只恐日光斜

何處春深好春深經業家唯求太常第不管曲江花折
桂名慙郊牧蠻志慕車官場泥補處最怕寸陰斜

何處春深好春深隱士家野衣裁薜葉山飯臘松花蘭
索紉幽珮蒲輪駐軟車林間箕踞坐白眼向人斜

何處春深好春深漁父家松灣隨櫂月桃浦落船花投
餌移輕楫牽輪轉小車蕭蕭蘆葉裏風起釣絲斜

何處春深好春深潮戶家濤翻三月雪浪噴四時花曳
練馳千馬驚雷走萬車餘波落何處江轉富陽斜

何處春深好春深痛飲家十分杯裏物五色眼前花鋪

歡眠糟甕流涎見駙車

杜甫詩云路見駙車口流涎

中山一沈醉千

度日西斜

何處春深好春深上已家蘭亭席上酒曲洛岸邊花弄
水遊童擢湔裙小婦車齊橈爭渡處一匹錦標斜

何處春深好春深寒食家玲瓏鏤雞子宛轉絲毬花碧
草追遊騎紅塵拜掃車鞦韆細腰女搖曳逐風斜

何處春深好春深博奕家一先爭破眼六聚鬪成花鼓

應投壺馬兵衝象戲車彈碁局上事最妙是長斜

何處春深好春深嫁女家紫排襦上雉黃貼鬢邊花轉燭初移障鳴環欲上車青衣傳去聲韁襍錦繡一條斜

何處春深好春深娶婦家兩行籠裏燭一樹扇間花賓拜登華席親迎障幙車催妝詩未了星斗漸傾斜

何處春深好春深妓女家眉欺楊柳葉裙妬石榴花闌麝熏行被金銅釘坐車杭州蘇小小人道最天伊耶斜

詠家醞十韻

獨醒從古笑靈均長醉如今數伯倫舊法依稀傳自杜

杜新方要妙得於陳

陳郎中岵傳受此法

井泉王相資重九麴蘖

精靈用上寅

水用九月九日
麴用七月上寅

釀糯豈勞炊范黍撇蕎何

假漉陶巾常嫌竹葉猶凡濁始覺榴花不正真甕揭開

時香酷烈餅封貯後味甘辛捧疑明水從空化飲似陽

和滿腹春色洞玉壺無表裏光搖金釀有精神能銷忙

事成閒事轉得憂人作樂人應是世間賢聖物與君還

徃擬終身

池鶴二首

高竹籠前無伴侶亂雞羣裏有風標低頭乍恐丹砂落
曬翅常疑白雪消轉覺鷓鴣毛色下苦嫌鸕鷀語聲嬌
臨風一唳思何事悵望青田雲水遙

池中此鶴鶴中稀恐是遼東老令威帶雪松枝翹膝脰
放花菱片綴毛衣低迴且向林一作籠間宿奮迅終須天
外飛若問故巢知處在主人相戀未能歸

對酒五首

巧拙賢愚相是非何如一醉盡忘機君知天地中寬窄

鶻鶠鸞皇各自飛

蝸牛角上爭何事石火光中寄此身隨富隨貧且歡樂
不開口笑是癡人

丹砂見火去無迹白髮泥人來不休賴有酒仙相暖熟
松喬醉即到前頭

百歲無多時壯健一春能幾日晴明相逢且莫推辭醉

聽唱陽關第四聲

第四聲勸君更盡一桮
酒西出陽關無故人

昨日低眉問疾采今朝收淚弔人回眼前流例君看取
且遣琵琶送一桮

僧院花

欲悟色空為佛事故栽芳樹在僧家細看便是華嚴偈
方便風開智慧花

老戒

我有白頭戒聞於韓侍郎老多憂活計病更戀班行叟
鑠誇身健周遮說話長不知吾免否兩鬢已成霜

洛橋寒食日作十韻

上苑風煙好中橋
道路平蹴毬塵不起
滌火雨新晴宿醉頭
仍重晨遊眼乍明
老慵雖省事春誘尚多
情遇客踟蹰立尋花
取次行連錢嚼金勒鑿落寫銀鑿府醞傷

一作
鶯

教送官娃一作喜豈要迎舞腰那及柳歌舌不如

鶯鄉國真堪戀光陰可合輕三年遇寒食

一作寒食節盡在

洛陽城

快活

可惜鶯啼花落處一壺濁酒送殘春可憐月好風涼夜
一部清商伴老身飽食安眠消日月閒談冷笑接交親
誰知將相王侯外別有優游快活人

送令狐相公赴太原

六纛雙旌萬鐵衣并汾舊路滿光輝青衫書記何年去

紅旆將軍藩鎮例駁紅旆昨日歸詩作馬蹄隨筆走獵酣鷹翅

伴觥飛此一作北都莫作多時計再為蒼生入紫微

不出

簷前新葉覆殘花席上餘杯對早茶好是老身銷日處
誰能騎馬傍人家

惜落花

夜來風雨急無復舊花林枝上三分落園中二

一作寸

深日斜啼鳥思春盡老人心莫怪添杯飲情多酒不禁

老病

晝聽笙歌夜醉眠若非月下即花前如今老病須知分
不負春來二十年

憶晦叔

遊山弄水攜詩卷看月尋花把酒恬六事盡思君作伴
幾時歸到洛陽來

送徐州高僕射赴鎮

大紅旆引碧幢一作油旌新拜將軍指點行戰將易求何

足貴書生難得始堪榮離筵歌舞花叢散候騎刀槍雪
隊迎應笑蹉跎白頭尹風塵唯管洛陽城

琴酒

耳根得聽琴初暢心地忘機酒半酣若使啟期兼解醉應言四樂不言三

聽幽蘭

琴中古曲是幽蘭為我慇懃更弄看欲得身心俱靜好身彈不及聽人彈

六年秋重題白蓮

素房含露玉冠鮮紺葉搖風鉏扇圓本是吳州供進藕今為伊水寄生蓮移根到此三千里結子今經六七年

不獨池中花故舊兼乘舊日採花船

元相公挽歌詞三首

銘旌官重威儀盛騎吹聲絲絛薄長後魏帝孫唐宰相
六年七月葬咸陽

墓門已閉笳蕭去一作遠唯有夫人哭不休蒼蒼露草咸

陽壠此是千秋第一秋

送葬萬人皆慘澹反虞駟馬亦悲鳴琴書劔珮誰收拾

三歲遺孤新學行

臥聽法曲霓裳

金磬玉笙調

一作和

已久牙牀角枕睡常遲朦朧閒夢初

成後宛轉柔聲入破時樂可理心應不謬酒能陶性信

一作定無疑起嘗殘酌聽餘曲斜背銀缸半下帷

結之

歡愛今何在悲啼亦是空同為一夜夢共過十年中

五鳳樓晚望

六年八月十日作

晴陽晚照濕煙銷五鳳樓高天次寥野綠全經朝雨洗

林紅半被暮雲燒龍門翠黛眉相對伊水黃金線一條
自入秋來風景好就中最好是今朝

寄劉蘇州

去年八月哭微之今年八月哭敦詩何堪老淚交流日
多是秋風搖落時泣罷幾迴深自念情來一倍苦相思
同年同病同心事除却蘇州更是一有作誰

送客

病上藍輿相送來衰容秋思兩悠哉涼風裏裏吹槐子

却請行人勸一桮

秋思

夕照紅於燒晴空碧勝藍獸形雲不弓勢月初三雁
思來天北砧愁滿水南蕭條秋氣味未老已深諳

酬夢得秋夕不寐見寄

次用
本韻

碧簾絳紗帳夜涼風景清病聞和藥氣渴聽碾茶聲露
竹偷燈影煙松護月明何言千里隔秋思一時生

題周家歌者

清緊如敲玉深圓似轉簧一聲腸一斷能有幾多腸

憶夢得

夢得能唱竹枝聽者愁絕

齒髮各蹉跎踈慵與病和愛花心在否見酒興如何年
長風情少官高俗慮多幾時紅燭下聞唱竹枝歌

贈同座

春黛雙蛾嫩

一作斂

秋蓬兩鬢侵謀歡身太晚恨老意彌

深薄解燈前舞尤能酒後吟花叢便不入猶自未甘心

失婢

今集本脫此首

宅院小牆庫坊門帖榜遲舊恩慚自薄前事悔難追籠
鳥無常主風花不戀枝今宵在何處唯有月明知

夜招晦叔

庭草留霜池結冰黃昏鐘絕凍雲凝碧氈帳上正飄雪
紅火爐前初炷燈高調秦箏一兩弄小花蠻榼二三升
為君更奏湘神曲夜就儂來一作家能不能

戲答皇甫監

時皇甫監初喪偶

寒宵勸酒君須飲君是孤眠七十身莫道非人身不暖

十分一醻煖於人

和楊師臯傷小姬英英

自從嬌駛一相依共見楊花七度飛玳瑁牀空收枕席
琵琶弦斷倚屏幃人間有夢何曾入泉下無家豈是歸
坟上少啼留取淚明年寒食更沾衣

池邊即事

檀帳胡琴出塞曲蘭塘越櫂弄潮聲何言此處同風月
蘓北江南萬里情

聞樂感鄰

老去親朋零落盡秋來弦管感傷多尚書宅畔悲鄰笛

廷尉門前歎雀羅

東鄰王大理去冬云七
南鄰崔尚書今秋薨逝

綠綺窗空分

妓女絳紗帳掩罷笙歌歡娛未足身先去爭奈書生薄

命何

御定全唐詩卷四百四十九



總校官庶吉士臣張能照
校對官庶吉士臣許兆椿
謄錄舉人臣孫演

欽定四庫全書會要

集部

御定全唐詩卷四百五十一

詳校官原任主事臣李斯咏

欽定四庫全書叢要卷一萬七千八百五十五

集部

御定全唐詩卷四百五十

白居易

戊申歲暮詠懷二首

窮冬月末兩三日半百年過六七時龍尾趁朝無氣力
牛頭參道有心期榮華外物終須悟老病傍人宜得知
猶被妻兒教漸退莫求致仕且分司

唯生一女才十二祇欠三年未六旬
婿嫁累輕何怕老

飢寒心憒不憂貧紫泥丹筆皆經手赤綬金章盡到身
更擬踟躕覓何事不歸嵩洛作閒人

七年囚閑作籠禽但願開籠便入林幸得展張今日翅
不能辜負昔時心人間禍福愚難料世上風波老不禁
萬一差池似前事又應追悔不抽簪

贈夢得

心中萬事不思量坐倚屏風卧向陽漸覺詠詩猶老醜
豈宜憑酒更麌狂頭垂白髮我思退脚蹋青雲君欲忙

只有今春相伴在花前勝醉雨三場

想東遊五十韻

并序

大和三年春予病免官後憶遊浙右數郡兼思到
越一訪微之故兩浙之間一物以上想皆在目吟
且成篇不能自休盈五百字亦猶孫興公想天台
山而賦之也

海內時無事江南歲有秋生民皆樂業地主盡賢侯郊
靜銷戎馬城高逼斗牛平河七百里沃壤二三州自常及杭

凡三坐有湖山趣行無風浪憂食寧妨解纜寢不廢乘
百里

流泉石諳天竺煙霞識虎丘

天竺虎丘寺皆領
郡時舊遊最熟處

餘芳認

蘭澤遺詠思蘋洲

古詩云蘭澤多芳草又
柳惲詩云汀洲採白蘋

菡萏紅塗粉

菰蒲綠滌油鱗差漁戶舍綺錯稻田溝紫洞藏仙窟玄

泉貯怪湫精神昂老鶴姿彩媚潛蚪

大謝詩云潛
蚪媚幽姿

靜閱

天工妙間窺物狀幽投竿出比目擲果下獮猴味苦蓮

心小漿甜蔗節稠橘苞從自結藕孔是誰鍍逐日移潮

信隨風變槿謳遞夫交烈火候吏次鳴騶梵塔形疑踊

重玄

閭門勢欲浮

吳閭門

客迎攜酒榼僧待置茶甌小宴

閒談笑初筵雅獻酬稍催朱蠟炬徐動碧牙籌圓釠飛蓮子長裾曳石榴柘枝隨畫鼓調笑從香毬幕飈雲飄檻簾褰月露鈎舞絲紅袖凝去聲歌切翠眉愁弦管寧容

歇梧盤未許收良辰宜酩酊卒歲好優游鱠縷鮮仍細尊絲滑且柔飽飧為日計穩睡是身謀名媿空虛得官知止足休自嫌猶屑屑衆笑大悠悠物表踈形役人寰足悔尤蛾須遠燈燭兔勿近置罘幻世春來夢浮生水

上漚百憂中莫入一醉外何求未死癡王湛無兒老鄧
攸蜀琴安膝上周易在牀頭去去無程客行行不繫舟
勞君頻問訊勸我少淹留自此後竝
屬微之雲雨多分散關山

苦阻修一吟江月別七見日星周

昔在杭州別微之微之留詩云明朝又向

江頭別月落潮平是去時

珠玉傳新什鵠鸞念故儕懸旌心宛轉束

楚意綢繆驛舫妝青雀官槽餌紫駘鏡湖期遠汎禹穴
約冥搜預掃題詩壁先開望海樓飲思親履鳥宿憶竝
食禡志氣吾衰也風情子在不應須相見後別作一家

遊

吾袁子在
此出家語

病免後喜除賓客

卧在漳濱滿十旬起為商皓伴三人從今且莫嫌身病
不病何由索得身

長樂亭留別

灞滻風煙函谷路曾經幾度別長安昔時蹙促為遷客
今日從容自去官優詔幸分四皓秩祖筵慚繼二疏歡
塵纓世網重重縛迴顧方知出得難

陝府王大夫相迎偶贈

紫微閣老自多情白首園公豈要迎伴我綠槐陰下歇
向君紅旆影前行綸巾髮少渾欹仄籃舉肩齊甚穩平
但問主人留幾日分司賓客去無程

別陝州王司馬

笙歌惆悵欲為別風景闌珊初過春爭得遣君詩不苦
黃河岸上白頭人

將至東都先寄令狐留守

黃鳥無聲葉滿枝閒吟想到洛城時惜逢金谷三春盡
恨拜銅樓一月遲詩境忽來還自得醉鄉潛去與誰期
東都添箇狂賓客先報壺觴風月知

答崔十八見寄

明朝欲見琴尊伴洗拭金杯拂玉徽君乞曹州刺史替
我拋刑部侍郎歸倚瘡老馬收蹄立避箭高鴻盡翅飛
豈料洛陽風月夜故人垂老得相依

贈皇甫賓客

輕衣穩馬槐陰路漸近東來漸少塵耳鬧久憎聞俗事
眼明初喜見閒人昔曾對作承華相今復連為博望賓
始信淡交宜久遠與君轉老轉相親

歸履道宅

驛吏引藤輦家童開竹扉往時多暫住今日是長歸眼
下有衣食耳邊無是非不論貧與富飲水亦應肥

問江南物

歸來未及問生涯先問江南物在耶引手摩挲青石筭

迴頭點檢白蓮花蘇州舫故龍頭閭王尹橋傾雁齒斜
別有夜深惆悵事月明雙鶴在裴家

蕭庶子相遇

半日停車馬何人在白家慙慙蕭庶子愛酒不嫌茶

答尉遲少尹問所須

乍到頻勞問所須所須非玉亦非珠愛君水閣宜閒詠
每有詩成許去無

詠閒

但有閒銷日都無事繫懷朝眠因客起午飯伴僧齋樹
合陰交戶池分水夾階就中今夜好風月似江淮

同崔十八寄元浙東王陝州

未能同隱雲林下且復相招祿仕間隨月有錢勝賣藥
終年無事抵歸山鏡湖水遠何由汎棠樹枝高不易攀
惆悵八科殘四在兩人榮閑兩人間

答蘇庶子月夜聞家僮奏樂見贈

牆西明月水東亭一曲霓裳按小伶不敢邀君無別意

弦生管涩未堪聽

偶吟

里巷多通水林園盡不扃松身為外戶池面是中庭元
氏詩三帙陳家酒一瓶醉來狂發詠鄰女暝籬聽

白蓮池汎舟

白藕新花照水開紅窗小舫信風迴誰教一片江南興
逐我慇懃萬里來

池上即事

行尋匏石引新泉，坐看修橋補釣船。
綠竹挂衣涼處歇，清風展簾困時眠。
身閒當貴真天爵，官散無憂即地仙。
林下水邊無厭日，便堪終老豈論年。

酬裴相公見寄二絕

習靜心方泰，勞生事漸稀。
可憐安穩地，捨此欲何歸。

一雙垂翅鶴，數首解嘲文。
總是迂閒物，爭堪伴相君。

答夢得聞蟬見寄

一作新蟬酬
劉夢得見寄

開緘思浩然，獨詠晚風前。
人貌非前日，蟬聲似去年。

花新雨後柳影欲秋天聽罷無他計相思又一篇

令狐尚書許過弊居先贈長句

不矜軒冕愛林泉許到池頭一醉眠已遣平治行藥逕
兼教掃拂釣魚船應將筆硯隨詩主定有笙歌伴酒仙
祇候高情無別物蒼苔石筍白花蓮

自題

老宜官冷靜貧賴俸優饒熟月無堆案寒天不趨朝傍
看應寂寞自覺甚逍遙徒對盈尊酒兼無愁可銷

答崔十八

勞將白叟比黃公
今古由來事不同
我有商山君未見
清泉白石在胸中

偶詠

御熱蕉衣健扶羸
竹杖輕誦經凭檻
立散藥繞廊行暝槿
無風落秋蟲欲雨鳴
身閒當將息病亦有心情

答蘇六

但喜暑隨三伏去
不知秋送二毛來
更無別計相寬慰

故遣陽關勸一桮

秋遊

下馬閒行伊水頭涼風清景勝春遊
何事古今詩句裏不多說著洛陽秋

偶作

張翰一桮酒榮期三樂歌聰明傷混沌煩惱汚頭陁簾
冷秋生早暗間日上多近來門更靜無雀可張羅

遊平原贈晦叔

照水容雖老登山力未衰欲眠先命酒暫歇亦吟詩且
喜身無縛終慙鬢有絲迴頭語閒伴閑校十年遲

不出門

不出門來又數旬將何銷日與誰親鶴籠開處見君子
書卷展時逢古人自靜其心延壽命無求於物長精神
能行便是真修道何必降魔調伏身

歎

一作勸

鶴病

右翅低垂左脰傷可憐風貌甚昂藏亦知白日青天好

未要高飛且養瘡

臨都驛送崔十八

勿言臨都五六里扶病出城相送來莫道長安一步地
馬頭西去幾時迴與君後會知何處為我今朝盡一桮

對鏡

三分鬢髮二分絲曉鏡秋容相對時去作忙官應太老
退為閒叟未全遲靜中得味何須道穩處安身更莫疑
若使至今黃綺在聞吾此語亦分司

勸酒十四首并序

予分秩東都居多暇日間來輒飲醉後輒吟若

一

苦無詞章不成謠詠每發一意則成一篇凡十四

篇皆主於酒聊以自勸故以何處難忘酒不如來

飲酒命篇

何處難忘酒七首

何處難忘酒長安喜氣新初登高第後乍作好官人省
壁明張榜朝衣穩稱身此時無一醕爭奈帝城春

何處難忘酒天涯話舊情青雲俱不達白髮遞相驚二十
年前別三千里外行此時無一醕何以叙平生

何處難忘酒朱門羨少年春分花發後寒食月明前小
院迴羅綺深房理管弦此時無一醕爭過豔陽天

何處難忘酒霜庭老病翁閑聲啼蟋蟀乾葉落梧桐鬢
為愁先白顏因醉暫紅此時無一醕何計奈秋風

何處難忘酒軍功第一高還鄉隨露布半路授旌旄玉
柱剝葱手金章爛椹袍此時無一醕何以騁雄豪

何處難忘酒青門送別多斂襟收涕淚簇馬聽笙歌煙
樹灞陵岸風塵長樂坡此時無一醕爭奈去留何

何處難忘酒逐臣歸故園赦書逢驛騎賀客出都門半
面瘴煙色滿衫鄉淚痕此時無一醕何物可招魂

不如來飲酒七首

莫隱深山去君應到自嫌齒傷朝水冷貌苦夜霜巖漁
去風生浦樵歸雪滿巖不如來飲酒相對醉厭厭

莫作農夫去君應見自愁迎春犁瘦地趁晚餒羸牛數

被官加稅稀，逢歲有秋不如來飲酒相伴，醉悠悠。

莫作商人去，恓惶君未諳。雪霜行塞北，風水宿江南。藏

鏹百千萬，沈舟十二三。不如來飲酒，仰面醉酣酣。

莫事長征去，辛勤難具論。何曾畫麟閣，祇是老轅門。蟻

蝨衣中物力，槍面上痕不如來飲酒，合眼醉昏昏。

莫學長生去，仙方悞殺君。那將薤上露，擬待鶴邊雲。矻

矻皆燒藥，纍纍盡作墳。不如來飲酒，閒坐醉醺醺。

莫上青雲去，青雲足愛憎。自賢誇智慧，相糾鬪功能。魚

爛緣吞餌蛾熑為撲燈不如來飲酒任性醉騰騰
莫入紅塵去令人心力勞相爭兩蝸角所得一牛毛且
滅嗔中火休磨笑裏刀不如來飲酒穩卧醉陶陶

和令狐相公寄劉郎中兼見示長句

日月天衢仰面看尚淹池鳳滯臺鸞碧幢千里空移鎮
赤筆三年未轉官別後縱吟終少興病來雖飲不多歡
酒軍詩敵如相遇臨老猶能一據鞍

即事

見月連宵坐聞風
盡日眠室香羅藥氣籠
煖焙茶煙鶴
啄新晴地雞棲薄暮天
自看淘酒米
倚杖小池前

期宿客不至

風飄雨灑簾簾帷故竹暝松遮
燈火深宿客不來嫌冷落
一尊酒對一張琴

問移竹

問君移竹意如何
慎勿排行但間一作見窠多種少栽皆
有意大都少校不如多

重陽席上賦白菊

滿園花菊鬱金黃中有孤叢色似霜還似今朝歌酒席

白頭翁入少年場

偶吟二首

眼下有衣兼有食心中無喜亦無憂正如身後有何事
應向人間無所求靜念道經深閉目閒迎禪客小低頭
猶殘少許雲泉興一歲龍門數度遊

晴教曬藥泥茶竈閒看科松洗竹林活計縱貧長淨潔

池亭雖小頗幽深
厨香炊黍調和酒
窗暖安弦拂拭琴
老去生涯祇如此
更無餘事可勞心

何處春先到

何處春先到
橋東水北亭凍花開未得冷酒酌

一作難著

醒就日移輕榻遮風展小屏
不勞人勸酒鶯語漸丁寧

勉閒遊

天時人事常多故
一歲春能幾處遊
不是塵埃便風雨
若非疾病即悲憂

一作愁

貧窮心苦多無興
富貴身忙不

自由唯有分司官恰好閒遊雖老未能休

寄兩銀榼與裴侍郎因題兩絕句

貧無好物堪為信雙榼雖輕意不輕願奉謝公池上酌
丹心綠酒一時傾

憒和麴蘖堪盛否重用鹽梅試洗看小器不知容幾許
襄陽米賤酒升寬銀匠洗銀多以鹽花梅漿也

小橋柳

細水涓涓似淚流日西惆悵小橋頭衰楊葉盡空枝在

猶被霜風吹不休

哭微之二首

八月涼風吹白幕
寢門廊下哭微之
妻孥朋友來相弔
唯道皇天無所知

文章卓犖生無敵
風骨英靈歿有神
哭送咸陽北原上
可能隨例作灰塵

馬上晚吟

人少街荒已寂寥
風多塵起重蕭條
上陽落葉飄宮樹

中渡流澌擁渭橋出早冒寒衣校薄歸遲侵黑酒全消
如今不是閒行日日短天陰坊曲遙

醉中重留夢得

劉郎劉郎莫先起蘇臺蘇臺隔雲水酒酸來從一百分
馬頭去便三千里

雪夜喜李郎中見訪兼酬所贈

可憐今夜鵝毛雪引得高情鶴氅人紅蠟燭前明似畫
青氈帳裏暖如春十分滿醕黃金液一尺中庭白玉塵

對此欲留君便宿詩情酒分合相親

任老

不愁陌上春光盡亦任庭前日影斜面黑眼黃頭雪白
老應無可更增加

勸歡

火急歡娛慎一作切勿遲眼看老病悔難追尊前花下歌

筵裏會有求來不得時

答王尚書問履道池舊橋

虹梁雁齒隨年換素板朱欄逐日修但恨尚書能久別

莫愁州

一作川

守不頻遊重移舊柱開中眼亂種新花擁

兩頭李郭小船何足問待君乘過濟川舟

晚歸府

晚從履道來歸府街路雖長尹不嫌馬上涼於牀上坐
綠槐風透紫蕉衫

從龍潭寺至少林寺題贈同遊者

山屐田衣六七賢搴芳蹋翠弄潺湲九龍潭月落枯酒

三品松風飄管弦
強健且宜遊勝地
清涼不覺過炎天
始知駕鶴乘雲外
別有逍遙地上仙

夜從法王寺下歸嶽寺

雙刹夾虛空
緣雲一徑通
似從忉利下
如過劖門中
燈火光初合
笙歌曲未終
可憐獅子座
昇出淨名翁

宿龍潭寺

夜上九潭誰是伴
雲隨飛蓋月隨栖
明年尚作三川守
此地兼將歌舞來

嵩陽觀夜奏霓裳

開元遺曲自淒涼况近秋天調是商愛者誰人唯白尹
奏時何處在嵩陽迴臨山月聲彌怨散入松風韻更長
子晉少姨聞定怪人間亦便有霓裳

過元家履信宅

雞犬喪家分散後林園失主寂寥時落花不語空辭樹
流水無情自入池風蕩謫船初破漏雨淋歌閣欲傾欹
前庭後院傷心事唯有春風秋月知

和杜錄事題紅葉

寒山十月旦霜葉一時新似燒非因火如花不待春連
行排絳帳亂落剪紅巾解駐藍輦看風前唯兩人

題崔常侍濟上別墅

時常侍以長告罷歸今故先報泉石

求榮爭寵任紛紛脫棄金貂祇有君散員疏去未為貴
小邑陶休何足云山色好當晴後見泉聲宜向醉中聞
主人憶爾爾知否拋却青雲歸白雲

過溫尚書舊莊

白石清泉拋濟口碧幢紅旆照河陽
邨人都不知時事
猶自呼為處士莊

天壇峯下贈杜錄事

年顏氣力漸衰殘王屋中峯欲上難頂上將探小有洞
小有洞在天壇頂上
喉中須嚥大還丹時杜方煉火砂次
河車九轉宜精鍊火候三年在好看他日藥成分一粒與君先去掃天壇

壇

贈僧五首

鉢塔院如大師

師年八十三登壇秉律凡六十年每歲於師處授八關戒

者九度

百千萬劫菩提種八十三年功德林若不秉持僧行苦
將何報答佛恩深慈悲不瞬諸天眼清淨無塵幾地心
每歲八關蒙九授慇懃一戒重千金

神照上人

照以說壇為佛事

心如定水隨形應口似懸河逐病治曾向衆中先禮拜
西方去日莫相遺

自遠禪師遠以無事為佛事

自出家來長自在緣身一衲一繩牀令人見即心無事
每一相逢是道場

宗實上人

實即樊司空之子
捨官位妻子出家

榮華恩愛棄成唾戒定真如和作香今古雖殊同一法

瞿曇拋却轉輪王

清閒上人

自蜀入洛於長壽寺說法度人

梓潼眷屬何年別長壽壇場近日聞應是蜀人皆度了

法輪移向洛中來

彈秋思

信意閒彈秋思時調清聲直韻疎遲近來漸喜無人聽
琴格高低心自知

自詠

隨宜飲食聊充腹取次衣裘亦煖身未必得年非瘦薄
無妨長福是單貧老龜豈羨犧牲飽蟠木寧爭桃李春
隨分自安心自斷是非何用問閒人

分司初到洛中偶題六韻兼戲呈馮尹

相府念多病春官容不才官銜依

一作隨

口得俸料

一作祿

掠舊池臺小舫宜攜樂新荷好蓋梧不知金谷主早晚

逐身來白首林園在紅塵車馬迴招呼新客侶

一作旅

掃

賀筵開

春風

春風先發苑中梅櫻杏桃梨次第開齊花榆莢深邸裏
亦道春風為我來

御定全唐詩卷四百五十

欽定四庫全書
薈要卷一萬七千八百五十六

集部

御定全唐詩卷四百五十一

白居易

洛陽春

洛陽陌上春長在惜一作別今來二十年唯覓少年心

不得其餘萬事盡依然

恨去年

老去唯一作耽酒春來不著家去年來校晚不見洛陽猶

花

早出晚歸

早起或因攜酒出晚歸多是看花迴若拋風景長閒坐
自問東京作底來

魏王堤

花寒嬾發鳥慵啼信馬閑行到日西何處未春先有思
柳條無力魏王堤

嘗黃醅新酌憶微之

世間好物黃醅酒
天下閒人白侍郎
愛向卯時謀洽樂
亦曾酉日放麄狂
醉來枕麪貧如富

詩云一
醉日富

身後堆金

有若亡元九
計程殊未到
甕頭一釅共誰嘗

勸行樂

少年信美何曾久
春日一作到

雖遲不再中

一作逢

歡笑勝

愁歌勝哭請君莫道等頭空

老慵

豈是交親向我疎
老慵自愛閉門居
近來漸喜知聞斷

免惱嵇康索報書

酬別微之

臨都驛醉後作

澧頭峽口錢唐岸三別都經二十年且喜筋骸俱健在
勿嫌鬚鬢各皤然君歸北闕朝天帝我住東京作地仙
博望自來非棄置承明重入莫拘牽醉收桮杓停燈語
寒展衾裯對枕眠猶被分司官繫絆送君不得過甘泉
予與微之老而無子發於言歎著在詩篇今年
冬各有一子戲作二什一以相賀一以自嘲

常憂到老都無子何況新生又是兒陰德自然宜有慶

于公陰德

其後蕃昌

皇天可得道無知

皇天無知伯道無兒

一園水竹今為

主

微之履信居多水竹也

百卷文章更付誰

微之文集凡一百卷

莫慮鶴雖

無浴處即應重入鳳凰池

五十八翁方有後靜思堪喜亦堪嗟一珠甚小

一作少還

慚蚌八

一作九

子雖多不羨鵝秋月晚生丹桂實春風新

長紫蘭芽持杯祝願無他語慎勿頑愚似汝爺

自問

年來私自問何故不歸京佩玉腰無力看花眼不明老
慵難發遣春病易滋生賴有彈琴女時時聽一聲

晚桃花

一樹紅桃亞拂池竹遮松蔭晚開時非因斜日無由見
不是閒人宣得知寒地生材遺校易貧家養女嫁常遲
春深一作風欲落誰憐惜白侍郎來折一枝

夜調琴憶崔少卿

今夜調琴忽有情欲彈惆悵憶崔卿何人解愛中徽上

秋思頭邊八九聲

阿崔

謝病卧東都羸然一老夫孤單同伯道遲暮過商瞿
豈料鬢成雪方看掌弄珠已衰寧望有雖晚亦勝無蘭入
前春夢桑懸昨日弧里間多慶賀親戚共歡娛膩刷新
胎髮香絳小繡襦玉芽開手爪酥顆點肌膚弓冶將傳
汝琴書勿墜吾未能知壽夭何暇慮賢愚乳氣初離殼
啼聲漸變雛何時能反哺供養白頭鳥

贈鄰里往還

問予何故獨安然免被飢寒婚嫁牽骨肉都盧無十口
糧儲依約有三年但能斗數人間事便是逍遙地上仙
唯恐往還相厭賤南家飲酒北家眠

王子晉廟

子晉廟前山月明人聞

一作間

往往夜吹笙鸞吟鳳唱聽

無拍多似霓裳散序聲

晚起

起晚憐春暖歸遲愛月明放慵長飽睡聞健且閒行北

闕停朝簿西方入社名唯吟一句偈無念是無生

酬皇甫賓客

玄晏家風黃綺身深居高卧養精神性慵無病常稱病
心足雖貧不道貧竹院君閒銷永日花亭我醉送殘春
自嫌詩酒猶多興若比先生是俗人

池上贈韋山人

新竹夾平流新荷拂小舟衆皆嫌好拙誰肯伴閒遊客

為忙多去僧因飯暫留獨憐韋處士盡日共悠悠

無夢

老眼花前閣春衣雨後寒舊詩多忘却新酒且嘗看
拙定於身穩慵應趨伴難漸銷名利想無夢到長安

對小潭寄遠上人

小潭澄見底閒客坐開襟借問不流水何如無念心彼
惟清且淺此乃寂而深是義誰能答明朝問道林

間吟二首

留司老賓客春盡興如何官寺行香少僧房寄宿多閒
傾一醕酒醉聽兩聲歌憶得陶潛語羲皇無以過

閒遊來早晚已得一周年嵩洛供雲水朝廷乞俸錢長
歌時獨酌飽食後安眠聞道山榴發明朝向玉泉

獨遊玉泉寺

三月三
十日

雲樹玉泉寺肩舁半日程更無人作伴祇共酒同行新
葉千萬影殘鶯三兩聲閒遊竟未足春盡有餘情

晚出尋人不遇

籃舉不乘乘晚涼相尋不遇亦無妨輕衣穩馬槐陰下
自要閒行一兩坊

苦熱

頭痛汗盈巾連宵復達晨不堪逢苦熱猶賴是閒人朝
客應煩倦農夫更苦辛始慙當此日得作自由身

銷暑

何以銷煩暑端居一院中眼前無長物窗下有清風熟
散由心靜涼生為室空此時身自得難更與人同

行香歸

出作行香客歸如坐夏僧牀前雙草屨簷下一紗燈珮
委腰無力冠欹髮不勝纓臺龍尾道合盡上聲少年登

同王十七庶子李六員外鄭二侍御同年四人

遊龍門有感而作

一曲悲歌酒一尊同年零落幾人存世如閱水應堪歎
名是浮雲豈足論各從仕祿休明代共感平生知己恩
今日與君重上處龍門不是舊龍門

池上小宴問程秀才

洛下林園好自知江南景一作境物闇相隨淨淘紅粒晉

香飯薄切紫鱗烹水葵雨滴蓬聲青雀舫浪搖花影白蓮池停梧一問蘇州客何似吳松江上時

橋亭卯飲

卯時偶飲齋時卧林下高橋橋上亭松影過窗眠始覺竹風吹面醉初醒就荷葉上包魚鮓當石渠中浸酒餅生計悠悠身兀兀甘從妻喚作劉伶一作靈

舟中夜坐

潭邊霽後多清景
橋下涼來足好風
秋鶴一雙船一隻
夜深相伴月明中

戲和微之答竇七行軍之作

依本韻

旌鉞從橐鞬賓僚禮數全
夔龍來要地
鵠鷺下遼天
赭汗騎驕馬
青娥舞醉仙
合城江上作散到
洛中傳陋巷
能無酒貧池亦有船
春裝秋未寄謾道有閒錢

閒忙

奔走朝行內樓遲林野間多因病後退少及健時還班
白霜侵鬢蒼黃日下山閒忙俱過日忙校不如閒

西風

西風來幾日一葉已先飛新霽乘輕屐初涼換熟衣淺
渠銷一作鋪慢水疎竹漏斜暉薄暮青苔巷家僅引鶴歸

題西亭

多見朱門富貴人林園未畢即無身我今幸作西亭主
已見池塘五度春

觀游魚

繞池閒步看魚游正值兒童弄釣舟一種愛魚心各異
我來施食爾垂釣

看採蓮

小桃閒上小蓮船半採紅蓮半白蓮不似江南惡風浪
芙蓉池在卧牀前

看採菱

菱池如鏡淨無波白點花稀青角多時唱一聲新水調

謾人道是採菱歌

天老

早世身如風裏燭暮年髮似鏡中絲誰人斷得人間事
少夭堪傷老又悲

秋池

洗浪清風透水霜水邊閒坐一繩牀眼塵心垢見皆盡
不是秋池是道場

登天宮閣

午時乘興出薄暮未能還高上煙中閣平看雪後山委
形羣動裏任性一生間洛下多閒客其中我最閒

新雪二首

寄楊舍人

不思北省煙霄地不憶南宮風月天唯憶靜恭楊閣老
小園新雪煖爐前

不思朱雀街東鼓不憶青龍寺後鐘唯憶夜深新雪後

新昌臺上七株松

日高卧

怕寒放嬾日高卧臨老誰言牽率身夾幕繞房深似洞
重裯襯枕煖於春小青衣動桃根起嫩綠醅浮竹葉新
未裹頭前傾一醕何如衝雪趨朝人

和微之任校書郎日過三鄉

三鄉過日君年幾今日君年五十餘不獨年催身亦變
校書郎變作尚書

和微之十七與君別及朶月花枝之詠

別時十七今頭白惱亂君心三十年垂老休吟花月句

恐君更結後身緣

和微之歎槿花

朝榮殊可惜暮落實堪嗟若向花中比猶應勝眼花

思往喜今

憶除司馬向江州及此凡經十五秋雖在簪裾從俗累半尋山水是閒遊謫居終帶鄉關思領郡猶分邦國憂爭似如今作賓客都無一念到心頭

題平泉薛家雪堆莊

怪石千年應自結靈泉一帶是誰開感為宛轉青蛇項
噴作玲瓏白雪堆赤日旱天長看雨玄陰臘月亦聞雷
所嗟地去都門遠不得肩舁每日來

和微之道保生三日

相看鬢似絲始作弄璋詩且有承家望誰論得力時莫
與三日歎猶勝七年遲予老微之七歲我未能忘喜君應不合

悲嘉名稱道保乞姓號崔兒但恐持相並蒹葭瓊樹枝

哭皇甫七郎中

湜

志業過玄晏詞華似褚衡多才非福祿薄命是聰明不

得人間壽還留身後名涉江文一首便可敵公卿

持正奇文

甚多涉江一章尤著

晚起

爛漫朝眠後頻伸晚起時緩爐生火早寒鏡裏頭遲融
雪煎香茗調酥煮乳糜慵饑還自哂快活亦誰知酒性
溫無毒琴聲淡不悲榮公三樂外仍弄小男兒

疑夢二首

莫驚寵辱虛憂喜莫計恩讐言浪苦辛黃帝孔丘無處問
安知不是夢中身

鹿疑鄭相終難辨蝶化莊生詎可知假使如今不是夢
能長於夢幾多時

夜宴惜別

笙歌旖旎曲終頭轉作離聲滿座愁筆怨朱弦從此斷
燭啼紅淚為誰流夜長似歲歡宜盡醉未如泥飲莫休
何況雞鳴即須別門前風雨冷脩脩

歸來二周歲

歸來二周歲二歲似須臾池藕重生葉林鴉再引鷓時
豐實倉廩春暖葺庖厨更作三年計三年身健無

吾土

身心安處為吾土豈限長安與洛陽水竹花前謀活計
琴詩酒裏到家鄉榮先生老何妨樂楚接輿歌未必狂
不用將金買莊宅城東無主是春光

題岐王舊山池石壁

樹深藤老竹迴環石壁重重錦翠斑俗客看來猶解愛
忙人到此亦須閒况當霽景涼風後如在千巖萬壑間
黃綺更歸何處去洛陽城內有商山

病眼花

頭風目眩乘衰老祇有增加豈有瘳傳云有加而無瘳花發眼中猶足怪柳生肘上亦須休大窠羅綺看纔辨小字文
書見便愁必若不能分黑白却應無悔復無尤

早飲醉中除河南尹敕到

雪擁衡門水滿池溫爐卯後煖寒時綠醅新酌嘗初醉
黃紙除書到不知厚俸自來誠忝濫老身欲起尚遲疑
應須了却丘中計女嫁男婿三逕資

除夜

病眼少眠非守歲老心多感又臨春火銷燈盡天明後
便是平頭六十人

府西池

柳無氣力枝先動池有波紋冰盡開今日不知誰計會

春風春水一時來

天津橋

津橋東北斗亭西到此令人詩思迷眉月晚生神女浦
臉波春傍窈娘堤柳絲裏裏風縹出草縷茸茸雨剪齊
報道前驅少呼喝恐驚黃鳥不成啼

不准擬二首

籃舉騰騰一老夫褐裘烏帽白髭鬚早衰饒病多蔬食
筋力消磨合有無不准擬身年六十上山仍未要人扶

憶昔謫居炎瘴地巴猿引哭虎隨行多於賈誼長沙苦
予自左遷江峽凡經七年小校蒲安白髮生不准擬身年六十遊春
猶自有心情

府中夜賞

櫻桃廳院春偏好石井欄堂夜更幽白粉牆頭花半出
緋紗燭下水平流間留賓客嘗新酒醉領笙歌上小舟
舞袖飄飈擢容與忽疑身是夢中遊

府西池北新葺水齋即事招賓偶題十六韻

繞繞府西面潺湲池北頭鑿開明月峽決破白蘋洲清

淺漪瀾急夤緣浦嶼幽直衝行徑斷平入卧齋流石疊

青稜玉波翻白片鷗噴時千點雨澄處一泓油絕境應

難別悲列
反同心豈易求少逢人愛覩多是我淹留夾岸

鋪長簾當軒泊小舟枕前看鶴浴牀下見魚遊洞戶斜

開扇疎簾半上鉤紫浮萍泛泛碧亞竹修修讀罷書仍

展碁終局未收午茶能散睡卯酒善銷愁簷雨晚初霽

窗風涼欲休誰能伴老尹時復一閒遊

哭崔兒

掌珠一顆兒三歲
鬚一作雪千莖父六旬
豈料汝先為異物常憂吾不見
成人悲腸自斷非因劍啼眼加昏不是塵懷抱又空天默默依前重作鄧攸身

初喪崔兒報微之晦叔

書報微之晦叔知欲題崔字淚先垂世間此恨偏敦我
敦音堆
見詩注天下何人不哭兒蟬老悲鳴拋蛻後龍眠驚覺失珠時文章十一作帙官三品身後傳誰庇廕誰失珠時文章十一作帙官三品身後傳誰庇廕誰

府齋感懷酬夢得

時初喪雀兒夢得以詩相安
云從此期君比瓊樹一枝吹

折一枝生故有
此落句以報之

府伶呼喚爭先到家醞提攜動輒隨合是人生開眼日
自當年老斂眉時丹砂鍊作三銖土玄髮看成一把絲
勞寄新詩遠安慰不聞枯樹再生枝

齋居

香火多相對葷腥久不嘗黃耆數匙粥赤箭一甌湯厚
俸將何用閒居不可忘明年官滿後擬買雪堆莊

與諸道者同遊二室至九龍潭作

喜逢二室遊仙子獻作三川守土臣舉手摩挲潭上石
開襟斗藪府中塵他日終為獨往客今朝未是自由身
若言尹是嵩山主三十六峰應笑人

履道池上作

家池動作經旬別松竹琴魚好在無樹暗小巢藏巧婦
渠荒新葉長慈姑不因車馬時時到豈覺林園日日蕪
猶喜春深公事少每來花下得踟蹰

六十拜河南尹

六十河南尹前途足可知老應無處避病不與人期幸
遇芳菲日猶當強健時萬金向假藉一醕莫推辭流水
光陰急浮雲富貴遲人間若無酒盡合鬢成絲

重脩府西水亭院

因下疏為治隨高築作臺龍門分水入金谷取花栽繞
岸行初匝憑軒立未迴園西有池位留與後人開

與諸公同出城觀稼

老尹醉醺醺來隨年少羣不憂頭似雪但喜稼如雲歲
望千箱積秋憐五穀分何人知帝力堯舜正為君

水堂醉卧問杜三十一

聞君洛下住多年何處春流最可憐為問魏王堤岸下
何如同德寺門前無妨水色堪閒翫不得泉聲伴醉眠
那似此堂簾幙底連明連夜碧潺湲

歲暮言懷

職與才相背心將口自言磨鉛教切玉驅鶴

一作雁一作乘

軒只合居巖窟何因入府門年終若無替轉恐負君恩

座中戲呈諸少年

衰容禁得無多酒秋鬢新添幾許霜縱有風情應淡薄
假如老健莫誇張興來吟詠從成癖飲後酣歌少放狂
不為倚官兼挾勢因何入得少年場

雪後早過天津橋偶呈諸客

官橋晴雪曉峩峩老尹行吟獨一過紫綬相輝應不惡
白鬚同色復如何悠揚短景凋年急牢落哀情感事多

猶賴洛中餽醉客時時說我喚笙歌

新製綾襖成感而有詠

水波文襖造新成綾軟綿勻溫復輕晨興好擁向陽坐
晚出宜披蹋雪行鶴氅毳疎無實事木棉花冷得虛名
宴安往往歡侵夜卧穩昏昏睡到明百姓多寒無可救
一身獨煖亦何情心中為念農桑苦耳裏如聞飢凍聲
爭得大裘長萬丈與君都蓋洛陽城

早春雪後贈洛陽李長官長水鄭明府二同年

獻歲晴和風景新銅驅街郭暖無塵府廷一作共賀三
亭川雪縣道分行百里春朱紱洛陽官位屈青袍長水俸
錢貧有何功德紅金紫若比同年是幸人

醉吟

醉來忘渴復忘飢冠帶形骸杳若遺耳底齋鐘初過後
心頭卯酒未消時臨風朗詠從人聽看雪閒行任馬遲
應被衆疑公事慢承前府尹不吟詩

府酒五絕

變法

自慚到府來周歲患愛威稜一事無唯是改張官酒法
漸從濁水作醍醐

招客

日午微風且暮寒春風冷峭雪乾殘碧瓊帳下紅爐畔
試為來嘗一醕看

辨味

甘露太甜非正味醴泉雖潔不芳馨杯中此物何人別

柔旨之中有典刑

自勸

憶昔羈貧應舉年脫衣典酒曲

一作江邊十斗一斗猶出

賒飲何況官供不著錢

諭妓

燭淚夜粘桃葉袖酒痕春污石榴裙莫辭辛苦供歡宴

老後思量悔殺君

晚歸早出

筋力年年減風光日日新退衙歸逼夜拜表出侵晨何處臺無月誰家池不春莫言無勝地自是少閒人坐厭推囚案行嫌引馬塵幾時辭府印却作自由身

南龍興寺殘雪

南龍興寺春晴後緩步徐吟繞一作到四廊老趁風花應不稱閒尋松雪正相當吏人引從多乘輿賓客逢迎少下堂不擬人間更求事些些疎嬾亦何妨

天宮閣早春

天官高閣上何頻每上令人耳目新前日晚登緣看雪
今朝晴望為迎春林鶯何處吟箏柱牆柳誰家麗麪塵
可惜三川虛作主風光不屬白頭人

履道居三首

莫嫌地窄林亭小莫厭貧家活計微大有高門鑠寬宅
主人到老不曾歸

東里素帷猶未徹南鄰丹旐又新懸衡門蝸舍自慚媿
收得身來已五年

世事平分衆所知何嘗苦樂不相隨唯餘耽酒狂歌客
只有樂時無苦時

和夢得冬日晨興

漏傳初五點雞報第三聲帳下從容起窗間曬聰明照
書燈未滅煖酒火重生理曲弦歌動先聞唱渭城

雪夜對酒招客

帳小青氈煖梧香醺蟻新醉憐今夜月歡憶去年人閭
落燈花燼閒生草座塵慙報弦管明日有嘉賓

贈晦叔憶夢得

自別崔公四五秋因何臨老轉風流歸來不說秦中事
歇定惟謀洛下遊酒面浮花應是喜歌眉斂黛不關愁
得君更有無厭意猶恨尊前欠老劉

醉後重贈晦叔

老伴知君少歡情向我偏無論疎與數相見輒欣然各
以詩成癖俱因酒得仙笑迴青眼語醉竝白頭眠豈是
今投分多疑宿結緣人間更何事攜手送良年

睡覺

星河耿耿漏綿綿月闇燈微欲曙天轉枕頻伸書帳下
披裘箕踞火爐前老眠早覺常殘夜病力先衰不待年
五欲已銷諸念息世間無境可勾牽


御定全唐詩卷四百五十一

註案卷四百五十第三頁前五行鱠綾鮮仍細按

長慶集鱠作鰥

第十六頁後二行莫愁州守不頻遊刊本愁訛忘

據長慶集改





總校官庶吉士臣張能照
校對官庶吉士臣許兆椿

謄錄舉人臣孫演